

摘藻堂四庫全書薈要

史部

欽定四庫全書叢要

史部

御批歷代通鑑輯覽卷七十三

詳校官候補通政司經歷臣郭祚熾



欽定四庫全書薈要卷七千五百二十六

御批歷代通鑑輯覽卷七十三

宋

皇帝

道元年春正月帝觀燈于乾元樓

帝以上元御乾元門樓觀燈賜宴見京師繁盛諭近
臣曰五代之際生靈凋喪周太祖自鄴南歸士庶皆
罹剽掠下則火光上則彗孛觀者恐懼當時謂無復

大平之日矣朕躬覽庶政萬事粗理每念上天之貺
致此繁盛乃知理亂在人呂蒙正避席曰乘輿所在
士庶走集故繁盛如此臣嘗見都城外不數里饑寒
而死者甚衆願陛下親近以及遠蒼生之幸也帝變
色不言蒙正侃然復位同列咸多其伉直

契丹犯府州永安節度使折御卿擊敗之

契丹大將韓德威率衆萬騎誘党項埒里

党項
別種

等族

自振武入寇御卿邀擊敗之于子河汭

在葭州府
谷縣境

埒

里等乘亂反擊德威殺其將突厥哈里等德威僅以身免

夏四月呂蒙正柴禹錫蘇易簡罷

帝嘗欲遣人使朔方諭中書選可責以事者蒙正以名上帝不許他三日問三以其人對帝怒曰卿何執邪蒙正對曰臣非執臣不欲用媚道妄隨人主意以害國事因稱其人可使餘人不及同列竦息不敢動帝退謂左右曰蒙正氣量我不如既而卒用其人果

稱職

蒙正夾袋中有冊子每四方人替罷謁見必問其有何人才客去隨即疏之各分門類及朝廷

用人即取之袋中故所用皆當

至是罷相判河南

以呂端同平章事張洎參知政事趙鎔知樞密院事

朱子名臣言行錄採之然以秉公正之心統偏私之見然後能行之無弊否則夾袋之人才雖為私門之挈手始則市恩邀譽後且立黨分門宋明末之患此疾

初帝欲相端或曰端為人糊塗帝曰端小事糊塗大事不糊塗決意用之端持重識大體慮與寇準同列而已先正台揆恐準不平乃參知政事與宰相相同

升政事堂

時同列奏對多異議惟端罕所建明一旦內札戒諭自今中書事必經呂端參酌乃

得聞奏端愈謙謙不敢當洎博涉經史善持論為翰林學士帝嘗謂近臣曰張洎富有文藝至今尚苦學

于河漢之敗契
丹深恥之故不
久即攻府州以
圖報復雄州遠
近遑遑鎗掠易
經其引騎夜襲
營不盡由於同
謀洩忿也承矩
揭捷書諭州民
亦以地當邊鄙

江東士人之冠也甚見寵遇洎初為宛準官屬甚恭
謹每為準規畫準心伏以兄事之極薦其才遂與準
同列奉之愈謹政事一決于準無所
參預惟專修時政記甘言善柔而已

契丹侵雄州何承矩禦卻之

承矩條于河漢之捷諭州民且揭于市契丹謀知媿
忿將襲取承矩以雪恥夜引數千騎抵城下承矩整
兵出拒遲明與契丹酣戰契丹復敗走帝聞敵入邊
之由謂承矩輕脫生事失守禦體罷之

開寶皇后宋氏崩貶翰林學士王禹偁知滁州

民易驚惶宜因威以抑欲勢不得謂之輕脫且飛未至能防既至能拒也誠能勝尤為防禦有方更不得謂之夫體如是而予以罷斥復何以勵守臣甚笑太宗嘗罰之糾也

后疾甚遷于故熱國長公主第崩權殯普濟佛舍謚

曰孝章皇后羣臣不成服禹偁對客曰后嘗母儀天

下當遵用舊禮帝不悅坐謗訕責知滁州禹偁立朝敢言以直

躬行道為已任不為流俗所容故屢見斥

六月以李繼遷為鄜州節度使繼遷不奉詔

繼遷遣押牙張浦以良馬素駝來獻帝令衛士射于

後園俾浦觀之士皆拓兩石弓有餘力帝笑問浦曰

羌人敢敵否對曰羌部弓弱矢短但見此長鉅人則

已遁矣况敢敵乎乃以浦為鄭州團練使留京師遣

使持詔拜繼遷鄜州節度使繼遷不受

已而繼遷攻清遠軍守臣

張延擊退之清遠軍宋置故城在寧夏府靈州東南

秋八月立元侃為皇太子更名恒大赦

自唐天祐以來中國多故立儲之禮廢及百年至是

始舉而行中外胥悅太子既立廟見還宮京師民擁

道喜躍曰少年天子也帝聞之不懌召寇準謂曰人

心遽屬太子欲置我何地準再拜賀曰此社稷之福

置我何地語幾與唐宣宗遂為間人相類太宗英明素著不應若此且因宮中相慶易溫為苦變召準飲盡辭尤為輕平此等

諒非太宗實錄
或當時因德昭
廷美之不齊其
死裨官家鏡說
以污錢之耳

也帝悟入語后嬪宮中皆前慶帝喜復出延準飲極
醉而罷以李至李沆並兼太子賓客詔太子以師傅
禮事之太子每見至沆必先拜至沆不敢當上表辭
謝帝不許

冬十一月召王繼恩還以上官正雷有終為西州招安
使

十二月契丹侵府州折御卿禦之卒于軍

契丹韓德威謀知御卿有疾遂帥衆攻府州以報子

河汭之役御卿力疾禦之德威聞其至不敢進既而疾甚母密召之歸禦卿曰世受國恩邊患未靖御卿罪也今臨敵安可棄士卒自便死于軍中乃其分也為白太夫人無念我忠孝豈得兩全言訖泣下翌日卒詔以其子惟正知府州事

丙申

二年春二月以太祖孫惟吉

字國祥德昭長子

為閬州觀察

使太祖崩時惟吉裁六歲帝即位猶在禁中日侍中

食

午膳也周禮疏王朝夕日中食夕食為三時食中食義蓋本此

太平興國八年始

出居東宮未幾授左驍衛大將軍至是授閬州觀察使凡邸第供億車服賜與皆與諸王埒

夏四月遣李繼隆等分道討李繼遷

初帝令洛苑使白守榮護芻粟四十萬赴靈州李繼

遷邀擊于浦洛河

亦曰溥樂河在寧夏府靈州南北流于黃河

守榮衆潰

運餉盡為繼遷所奪帝怒命李繼隆為環慶等州都

部署將兵討之會曹瑑

字韜光彬之子

自西河還言繼遷衆

萬餘方圍靈武城中上表告急為繼遷所得遂頓兵

呂端請棄去
以無定之商
自是上集此
可見其大業未
糊塗不獨靜寧
即使時不靜寧
色而定大業
頃刻也太宗於
此故不誤笑
之皆矣

不去

此宋史原文表為繼遷所獲續綱目刪去上表二字改下二句作使為繼遷所得則頗共不

去矣似慮靈州為繼遷所得者與史不合今改正

呂端請發兵出麟府鄜延

環慶三道以擣平夏襲其巢穴則靈武之圍解矣或

云盛夏沙旱海

在靈州東南趙珣曰鹽夏清遠軍間並係沙磧俗謂之旱海

無水

泉糧運艱辛不如靜以待之帝不聽即部分諸將命

繼隆出環丁罕

頡州人

出慶范廷召

冀州棗強人

出延王超

趙州人出夏張守恩出麟五路進討直趨平夏

秋七月以陳靖

字道卿興化莆田人

為京西勸農使未行而罷

帝務興農事詔有司議均田法太常博士陳靖乞先
命大臣兼屯田制置令京東西檢責荒地及逃民產
籍之募民耕作賜以牛種室器俟田成然後度田均
稅量田授人約井田之利為定法頒行天下乃詔靖
為勸農使皇甫選何亮副之選等言其功難成陳恕
亦以為不可遂出靖知婺州而罷其法

寇準免

是歲郊祀中外官皆進秩準素所喜者多得臺省清

要官所惡及不相知者即序進之廣州通判馮拯上
疏極陳準擅權且條上除拜不平數事帝不憚張洎
揣知帝嫉準懼一旦同罷乃奏準誹謗帝益不悅會
廣東轉運使康戡上言呂端張洎李昌齡皆準所引
故準得以任胸臆亂經制帝怒召端等責之端對曰
準性剛自任臣等不欲數爭慮傷國體因再拜請罪
及準入對帝語及拯事準力爭不已又持中書簿論
曲直于帝前帝因歎曰鼠雀尚知人意况人乎遂罷

知鄧州

以丁惟清知西涼府

宋初以涼州為西涼府後沒于夏

涼州久不內屬

唐廣德初州陷吐蕃咸通中收復旋即荒廢後唐長興四年留後孫超遣

使求旌節詔拜超節度使至後周顯德中復絕于中國至是請帥從之

八月李繼隆副將范廷召遇李繼遷于烏白池

鹽池也在寧夏

府靈州東南元和志靈州五原縣有烏白二池出鹽即此

擊敗之繼隆不見敵而

還諸將分道並進期抵烏白池繼隆遣其弟繼和

字周

叔馳奏以環州道迂欲自清岡峽

注見前

直趨繼遷巢

穴不及援靈武上怒曰汝兄必敗吾事矣因手札切責使未至而繼隆已發兵與丁罕合行十日不見敵引軍還張守恩見敵不擊獨廷召與王超至烏白池與賊遇時敵銳甚超持重不進其子德用字元翰年十七為先鋒請乘之轉戰三日敵遂却德用曰歸師遇險必亂乃領兵先絕要下令曰亂行者斬一軍肅然敵見其師整不敢進廷召等大小數十戰雖頗克捷而諸將失期士卒困乏終不能擒賊

九月秦晉諸州地震

大有年

丁酉三年春正月張洎罷

洎性險詖巧于將順尤善事宜官嘗引唐故事奏內供奉藍敏政為學士帝曰此唐弊政朕安可踵覆轍卿言過矣洎慚而退至是以病罷尋卒

葬孝章皇后

葬永昌陵北

自后崩至是踰三年而始克葬

分天下州軍為十五路

京東京西河北河東陝西淮南江南荆湖南北兩浙
福建川峽廣南東西凡十五路各置轉運使

三月帝崩太子恒即位

是真宗為

帝不豫宣政使王繼恩忌太子英明陰與參知政事

李昌齡

至道二年參知政事

知制誥胡旦等謀立楚王元佐及

帝崩皇后令繼恩召呂端端知有變即紿繼恩入書

閣鎖閉之亟入宮后問曰宮車已晏駕立嗣以長順

也今將如何端曰先帝立太子正為今日豈容更有
異議后默然乃奉太子至福寧殿即位垂簾引見羣
臣端平立殿下不拜請捲簾升殿審視然後降階率
羣臣拜焉

夏四月尊皇后為皇太后赦

以李至李沆參知政事

五月李昌齡有罪貶忠武

軍名注
見前

行軍司馬

討謀立楚王之罪貶昌齡為行軍司馬降王繼恩為

右監門衛將軍均州安置胡旦除名長流潯州

唐置今為

府屬
廣西

立郭氏

守文之女

為皇后

六月追復涪王廷美為秦王復封兄元佐為楚王

錢若水請罷許之

初太宗以劉昌言罷問左右曰昌言涕泣否及呂蒙正罷又曰蒙正望復位目穿矣若水因數曰上待輔臣如此蓋無秉節高邁全進退之道以感動之者耳

即欲移疾會西邊用兵不敢言至以母年老請解樞
務章再上乃罷為集賢院學士若水入謝便殿帝問
近臣可大用者若水以中書舍人王旦
字子明對帝
曰此固朕所屬也

冬十月葬永熙陵

在河南府華
縣永昌陵西

史臣曰太宗沉謀英斷勤儉自勵閭閻農事考治功慎
刑獄納諫諍遇災知懼有過知悔故能削平海內功
業灼然若夫太祖之崩不踰年而改元治陵武功
之不得其死宋后之不成喪後世不能無議焉

十二月追尊母李氏

真定人防禦
使英之女

為皇太后

既察其變詐則
當正辭却之即
云姑從所請假
之節錢亦已足
矣何必復與以
五州使其壞地
日益貧固有資
以貽無窮之患
是時在廷如呂
端李沆輩尚不

帝生母也太宗時封夫人尋薨帝即位追封賢妃又

進賢尊號

諡曰
元德

李繼遷請降以為定難節度使復姓名趙保吉

繼遷表求蕃任帝雖察其變詐方在諒陰姑從其請

又以夏綏銀宥靜五州

靜州五代時以唐靜邊廢州
置故城在今綏德州米脂縣

與之張浦亦遣還

真宗皇帝

咸平元年春正月彗星見詔求直言

乏人何未聞一
言違白耶

彗出營室

注見前

北吕端應在齊魯分帝曰朕以天下

下為憂豈直一方邪詔求直言避殿減膳

時田錫自知集賢院

出知秦州上疏言李繼遷不合與夏州又不合呼之
為趙保吉乃時事外誤之大者又言樞密公事宰相
不得預聞中書政事樞密不得預議
以致兵謀未精國計未善帝嘉納之

夏四月遣使按諸路逋負悉除之

除天下逋欠一千餘萬釋繫獄者三千餘人用三司

判官王欽若

字完國臨江新喻人

之言也

五月戊午朔日食

冬十一月丙戌朔日食

呂端李至罷

端器量寬恕知大體帝深重之每見其入對肅然拱
揖不以名呼又以端姿儀瓌大宮廷陞峻特令梓人
為納陛至是以疾罷至亦以目疾求解政柄授武信
軍節度使

以張齊賢李沆同平章事向敏中參知政事楊礪

字汝礪京

兆鄴人宋湜字持正為樞密副使

齊賢慷慨有大畧每以致君自負常為帝言皇王之

道帝曰皇王之道非有跡但庶事無撓則近之矣帝

嘗問沆治道所宜先沆對曰不用浮薄新進喜事之

人此最為先帝問其人沆曰如梅詢

字昌言宣城人

魯致

充

字正臣撫州南豐人

革是矣帝又語及唐人樹黨遂使王室

微弱盖奸邪難辨耳沆曰佞言似忠姦言似信如盧

杞蒙蔽德宗李勉以為真奸邪是也

一夕內出手詔欲以劉美人為

貴妃沆對使者引燭焚之附奏曰但道臣沆以為不可其議遂寢帝嘗謂沆曰人皆有密啟卿獨無何也

劉曰臣待罪宰相公事則公言之何用密啟夫人臣有密啟者非讒即佞臣嘗惡之豈可效尤

劉美人

益州華陽人

即劉后也

己亥 二年春閏三月求直言

轉運副使朱台符

字拱正眉州眉山人

上疏言宜重農以積粟

簡卒以省費專將帥之任以安邊慎守令之選以惠民帝優詔褒答之

夏六月樞密使兼侍中魯公曹彬卒

謚武惠

彬疾帝臨問因詢以契丹事宜彬對曰太祖英武定

天下猶經營和好帝曰此事朕當屈節為天下蒼生
然須執綱紀存大體即久遠之利也又問以後事對

曰臣無事可言臣子璨瑋

字寶臣
彬次子

材器皆堪為將帝

問其優劣對曰璨不如瑋及卒帝哭之慟贈中書令

追封濟陽王

彬在朝廷未嘗忤旨亦未嘗言人過失
伐二國秋毫無所取位兼將相不以等

威自異遇大夫于途必引車避之不名下吏每白吏
事必冠而後見居官俸入給宗族無餘積守法度保

功名為宋
良將第一

秋七月初給外任官職田

以官莊及遠年逃田充之悉免租稅

初置翰林侍讀侍講學士

讀講學士始此

詔呂文仲楊徽之夏侯嶠

字峻極濟州鉅野人

為侍讀學士邢

昺為侍講學士設直廬于秘閣更直召對詢訪或至

中夕

尋詔昺與杜鎬舒雅孫奭等校定周禮儀禮公羊穀梁春秋傳孝經爾雅義疏杜鎬字文周

常州無錫人舒雅字子正宣城人孫奭字宗古博平人

九月庚辰朔日食

冬十月契丹入侵都部署康保裔

河南洛陽人

與戰于瀛州

死之十二月帝自將禦契丹次于大名

契丹主隆緒大舉入侵攻遂城城小無備衆情危懼

守將楊廷朗

業之子

集衆登陴固守會大寒汲水灌城

上旦悉為冰堅滑不可上契丹乃引去掠祁趙邢洺

州時真定高陽關都部署傅潛

冀州衛水人

擁步騎八萬

餘畏懦不進閉營自守將校請戰者則醜言詈之朝

廷間道遣使督潛出兵會擊潛不聽范廷召忿詎曰

公恇怯乃不如一姬鈐轄張昭允

字仲孚衛州人

又屢勸之

潛不得已乃分騎八千付廷召仍許出師為援廷召
復求援于康保裔保裔即領兵赴之遇敵于瀛州會
暮約詰旦合戰遲明敵圍之數重左右請易甲以遁
保裔曰臨難無苟免正吾效死之日也遂決戰數十

合殺傷甚衆兵盡矢絕而援不至保裔歿焉

續綱目
范廷召

潛遁保裔不之覺遂戰歿考宋史康保裔傳潛范廷
召傳俱無廷召于瀛州潛遁事真宗紀潛等皆流遠
不及廷召其無潛遁事
契丹遂自德棣濟河掠淄齊
可知今依宋史改輯

十二月帝親禦之以李沆為東京留守命王超等督

將滿總振重兵
畏懦不進聞諸
戰則配言相詎
其玩愒之罪已
浮于孫全興之
擁兵自固及廷
召全輒始付以
一旅而于應振
合勒諸部諸器
置不同坐致折
折彼軍其失律
更無可定乃全
與高伐司敗之
誅而於海山實
殺之典社何以
新七局而前年

先鋒示以戰圖遂次大名聞保裔死優詔賻之贈侍

中錄其二子一孫又聞諸將告急于潛潛不遣兵而

有功者抑不以聞帝命王繼英祥符人即軍中召潛還

以高瓊燕人代之羣臣請誅潛詔削官長流房州

庚子三年春正月契丹引還范廷召追敗之

契丹知帝親征乃縱掠而去廷召等追敗之于莫州

斬首萬餘級盡獲所掠餘皆遁出境

益州戍兵作亂推王均為首都巡檢使劉紹榮死之均

遂陷漢州詔以雷有終為川峽招安使將兵討之

初神衛卒戍益州以都虞候王均董福分領之福御

衆有法所部皆優贍均好飲博軍裝悉以給費兵馬

鈐轄符昭壽

子房卿

驕恣侵虐軍士素怨之正月朔旦

戍卒趙延順等八人為亂遂殺昭壽是日益州官吏

方賀正旦聞變皆奔竄知州牛冕

徐州彭城人

與轉運使

張適縋城而去惟都巡檢使劉紹榮冒刃格鬪衆寡

不敵叛卒尚未有主欲奉紹榮紹榮攝弓矢罵曰我

本燕人棄敵歸朝豈能與爾為逆耶亟見殺我終不
負朝廷也監軍王澤召王均謂曰汝所部為亂盍自
往招安之叛卒見均至即擁之為主紹榮自經死均

潛號大蜀改元化順置署
官稱以小枝張錯為謀主

已而均率衆攻陷漢州進

寇綿州不克直趨劍州為知州李士衡

字天順秦州成紀人

所

敗還保益州帝將發大名奏至即日以戶部使雷有

終為川峽招安使李惠石普

太原人

李守倫並為巡檢

使給步騎八千往討之上官正李繼昌

字世長上黨人

等皆

齊賢以河決
為患意在多集
丁夫王濟以調
發勞民意在減
省力役各舉一
偏而皆未得其
中不知從派因
滋擾閭閻若量
給口食使工作
有濟則窮黎未

隸馬

知蜀州楊懷忠聞均作亂即調鄉丁會諸州巡檢共討之入益州焚城北門與賊戰不敵而退

復檄嘉眉七州合兵再進軍于州南十五里鷄鳴原以俟王師

帝至自大名

上之在大名也詔調丁夫十五萬修黃河監察御史

王濟

字濟川深州饒陽人

以為勞民請徐圖之乃命濟馳往經

度還奏省其什六七張齊賢以河決為憂因對并召

濟入見齊賢請令濟署狀保河不決濟曰河決亦陰

陽災沴所致宰相若能和陰陽弭災沴為國家致太

嘗下可藉以餉口尚修防不豫或有蟻潰之虞所傷甚重當此執紼之痛為供時計但當以等幹吏赴日竣工不此之務而但于多寡間斷斷爭辯可謂不揣其小而齊其末矣

平河之不決臣亦可保齊賢曰若是則今非太平邪

濟曰北有疆敵西有繼遷兩河關右歲被侵擾以陞

下神武英畧苟用得其人可以馴致今則未也上動

容獨留濟問以邊事退而著備邊策十五條以獻未幾

選官判大理寺欲得剛正不回

者上曰王濟近之即以令濟

二月以周瑩

瀛州景城人

王繼英知樞密院事王旦同知院

事初旦為翰林學士嘗奏事退帝目送之曰為朕致

太平者必此人也

三月戊寅朔日食

夏四月太子太保呂端卒

諡正惠

端屢經擯退未嘗以得喪介懷及疾篤帝親視之端不能興撫慰甚至卒贈司空

六月以向敏中為兩河宣撫大使

以大兵之後特命重臣巡慰河北河東訪民疾苦

冬十月雷有終復益州王均走死

先是有終等至益州為賊所敗

時都巡檢使張思勗已復漢州有終等進

壁昇仙橋賊開門偽遁有終等帥兵徑入伏發官軍
悉被殺有終綠珠而墜得免李惠死之張思鈞所

州沙河人昇仙
橋在成都縣北

退保漢州既而賊由昇仙橋分路襲

王師有終帥兵逆擊大敗之均單騎還城遂撤橋塞

門有終與石普進屯于城北分遣將校攻城東西南

三面賊出戰屢敗日益消沮至是有終等入城均夜

與其黨二萬餘突圍而遁有終遣楊懷忠追至富順

監
宋置今為縣
屬叙州府

及之均方在監署中與蠻酋飲其黨

多醉不能枝梧均乃縊死懷忠取均首及僭偽法物

旌旗甲馬甚衆擒其黨六千餘人詔進有終懷忠等
秩而流牛冕儋州張適連州以翰林學士王欽若知
制誥梁顥

字太素鄆州須城人

往安撫之

十一月張齊賢免

齊賢與李沆不相得日南至朝會齊賢被酒失儀遂
坐免

辛丑四年春二月詔羣臣子弟補京官者試一經

夏四月回鶻來貢

卷七十三
顧助討李繼遷

六月汰冗吏

天下凡汰冗吏十九萬五千八百餘人選曹為清

頒九經于州縣學校

秋八月以張齊賢為涇原諸路經畧使

帝以趙保吉雖入貢而鈔刼益甚乃遣齊賢行邊齊賢言靈武孤城必難固守徒使軍民六七萬陷于危亡之地通判永興軍何亮復上安邊書言靈武地方

靈武逼近西夏
守之足以扞邊
固棄之足以啓
寇資大勢政然
不特智者而知
也即以孤懸為
慮亦惟得偏驕
略以張矜角奈
何不顧唇亡齒
寒之患而自歎
其藩籬即當日
衆論紛如惟賴
臣所執斷金正
理至楊億議主
棄此誠書生美
惡遷就即李沆

千里表裏山河決不可舍之以資外國帝不能決詔

羣臣議棄守之宜楊億

字大年建
州浦城人

言棄之便輔臣咸

以靈州乃必爭之地苟失之則緣邊諸郡皆不可保

帝惑之李沆曰保吉未死靈州非朝廷有莫若遣使

密召諸將使部分軍民空壘而歸如此則關右之民

息肩矣帝不從以王超為西面行營都部署將步騎

六萬援靈州齊賢又請募江南丁壯以益戍兵帝曰

此不惟人心搖動抑使南方之人遠戍西鄙甚不便

空室而歸之說
亦不免示弱陵
此室州失陷亦
以無援使
王超即從前命
趣赴豈有踈虞
真宗將恤不用
流言何見之左
也

也寢其奏

九月趙保吉反陷清遠軍

注見前

保吉寇清遠軍都監段義叛降于保吉都部署楊瓊

汾州河

西人

擁兵不救城遂陷保吉勢益張大復攻定州

宋置故城在今

寧夏府新渠縣

懷遠

後周縣宋為鎮今寧夏府寧夏縣是

又掠輜重至

唐龍鎮

在寧夏縣西南

副將部署曹瑛以番兵邀擊敗之

冬十月契丹侵遂城都部署王顯敗之

契丹謀入侵朝廷聞之以王顯為鎮定高陽關都部

署王超副之是月顯與契丹戰于遂城大敗之殺二萬餘人契丹進次滿城而還

壬寅

五年春三月趙保吉陷靈州知州事裴濟

字仲漢聞喜人死

之濟知靈州謀輯八鎮

即懷遠等鎮已沒西夏地理志不載

興屯田之

利民甚賴之保吉大集番部來攻濟被圍餉絕刺猪血染奏求救兵不至城遂陷濟死焉保吉以州為西平府居之帝得報悔不用李沆之言詔王超屯永興軍

神放初對教語
不過老生常談
了無異人處及
暫還得出即停
思縱溫系師傾
藥處士虛聲不
足憑信若此

秋七月甲午朔日食

九月召种放為左司諫直昭文館

張齊賢言放孝行純至簡朴退靜可厲風俗下詔召
之放乃詣京師對于崇政殿賜坐詢以民政邊事放

對曰明王之治愛民而已惟徐而化之餘皆謙讓不
對即日授左司諫直昭文館放固讓不許賜予甚厚

時召對焉明年請暫還山許之遷起居舍人

放既還後數朝

京師東封西祀無不預祿賜既豐頗飾輿服置田長
安彊市爭訟時議薄之王嗣宗守京兆因條上其不

法事極其醜詆會赦而止杜鴈嘗因宴餞賦詩誦北
山移文以譏之放不之愧王嗣宗字希阮汾州人

癸卯六年春二月以六谷酋長巴勒結西涼府吐蕃族首領為朔方

節度使

知鎮戎軍

宋置今平涼府鎮原縣是

李繼和言巴勒結願戮力討

趙保吉請授以刺史張齊賢請封為六合王兼招討

使帝以問宰相皆曰巴勒結為酋帥授刺史太輕未

願節鎮加王爵非順招討使號不可假外夷乃授朔

方節度使靈州西面都巡檢使巴勒結言感朝廷恩

信憤保吉倔彊已集騎兵六萬乞會王師收復靈州
帝許之

夏四月副都部署王繼忠

開封人

與契丹戰于望都敗績

契丹執繼忠以去

耶律諾袞

字延寧太祖母弟

寇定州之望都高陽關副都部

署王繼忠與大將王超桑贊等帥兵赴之至康村

在望

都縣東北

與諾袞戰繼忠陣東偏為敵所乘超贊皆畏縮

退師繼忠與麾下躍馬馳赴服飾稍異契丹識之圍

數十重士皆殊死戰且戰且行旁西山而北至白城

在保定府清苑縣西南

力不能支遂被執帝聞之謂其已死優

詔贈官繼忠見契丹主于炭山

此又一炭山在今宣化府萬全縣西南遠

史歸化州有炭山謂之陘頭有涼殿即此非遠初建城于梁河上之炭山也

蕭太后知繼

忠才賢授戶部使

繼忠後遂仕于契丹更姓名為耶律顯忠又改名宗信

復以張詠知益州

帝以詠前在蜀治政優異復自永興徙知益州民間

詠再至皆鼓舞相慶詠威惠並行政績益著下詔褒

美且令巡撫使傳諭詠曰得卿在蜀朕無西顧之憂矣

六月以寇準為三司使陳恕罷

恕久領三司帝初即位嘗命條具中外錢穀恕久不進屢詔趣之恕對曰陛下富于春秋若知府庫充實恐生侈心是以不敢進也帝嘉之至是以疾固求館殿之職帝曰卿求一人可代者聽卿去恕遂薦準準至三司檢尋恕前後改創之事類為冊及其所出榜

別用新板躬至恕第請判押恕亦不讓一一押之自

是計使無不循其舊貫

恕精于吏理人不敢干以私掌利柄十餘年彊力幹事胥吏

畏服

冬十一月有星孛于井鬼

天文志南方輿鬼五星為天目

十二月右諫議大夫田錫卒

錫居諫署慕魏徵李絳之為人以盡規獻替為已任

直言時政得失每指斥將相備位前後章疏凡五十

有二

續綱目作五十二卷今依宋史錫傳改正

悉焚之曰直諫臣職也豈

可藏副示後以賣直邪及卒帝謂李沆曰田錫直臣也朝廷少有闕失方在思慮錫之章疏已至矣嗟惜久之

趙保吉陷西涼殺丁惟清巴勒結會蕃部擊敗之保吉走死子德明嗣

保吉陷西涼殺丁惟清于是巴勒結偽降保吉受之不疑巴勒結遽集六谷蕃部擊之保吉大敗中流矢創甚奔還死于靈州境上子德明遣使告哀于契丹

西夏屢世叛降

反慶保吉既死

其骸實有可乘

邊將降詔撫安

之請自不若曹

瑋之擒而即縣

之堞深中茂安

也使真宗早從

其計何至他日

貽西顧憂乃不

容彼已妄思以

恩招致遂聽其

滋蔓日益將張

元昊以後更不

可制邊釁或遠

契丹贈保吉尚書令尋封德明為西平王環慶

宋以環慶

鄯寧乾五州為環慶路

邊城以德明初立乞降詔撫之帝乃召

德明令審圖去就知鎮戎軍曹瑋上言保吉擅河南

地二十年兵不解甲使中國有西顧之憂今其國危

子弱不即捕滅後更彊盛不可制矣願假臣精兵出

其不意擒德明送關下復河南為郡縣此其時也帝

欲以恩致德明不報

甲辰景德元年春正月京師地震

豈直銷骸不去
將昇斧柯已哉

丙申震癸卯丁未復震

三月皇太后李氏崩

諡明德

秋七月尚書右僕射同平章事李沆卒

諡文靖

沆卒帝往臨哭之慟謂左右曰沆忠良純厚始終如

一何不享遐壽邪贈太尉中書令

時西北用兵帝便殿延訪或至盥食

王旦嘆曰我輩安得坐見太平優游無事邪沆曰疆
敵外患足為警戒他日四方寧謐朝廷未必無事沆
日取四方水旱盜賊奏之旦以為細事不足煩帝聽
沆嘆曰人主少年當使知四方艱難不然血氣方剛
不留意聲色天馬則王未甲兵禱祀之事作矣吾老
不及見此參政他日之憂也丁謂與寇準善準屢薦

李沆立身行己
粹然無疵其學
端亦出王旦冠
準上可稱當時
賢相惟云中外
所陳利害一切
報罷則未免進
偏凡事第論其
理之可否以定
行止若果有益
於國計民生無
論忠謀碩畫當
立見施行即檢
人或以數陳為
干進之階而所
言逆理亦不應

其才于沆沆不用準問之沆曰顧其為人可使之在
人上乎準曰如謂者相公終能抑之使在入下乎沆
笑曰他日當思吾言沆嘗言居重位無補惟中外所
陳利害一切報罷之少以報國爾朝廷防制纖悉具
備或狗所陳請行一事即所傷多矣陸象先所謂庸
人獲之是己檢人苟一時之進豈念屬民邪沆嘗讀
論語或問之沆曰沆為宰相如節用而愛人使民以
時尚未能行聖人之言終身誦之可也沆性直諫內
行修謹居位慎密不求聲譽遵法度識大體人莫能
干以私公退終日危坐未嘗跛倚治第封邱門內廳
事前僅容旋馬或言其太隘沆笑曰居第當傳子孫
此為宰相廳事誠隘為太祝奉禮廳事則已寬矣

丁謂字公言初字
謂之蘇州長洲人

盜殺朔方節度使巴勒結

樂以人廢設
存成見事皆糾
格不行必致下
情無由上達而
政府沮抑歷務
亦啓難功之端
惜乎流之未見
及此也

趙保吉死故黨密已勒儒及日布結羅丹二族亡歸

結隆族

俱党項別族

欲陰圖已勒結復讐會其黨攻結隆

已勒結率百餘騎赴援將議合擊遂為二族戕于帳
下六谷諸豪共立已勒結弟斯多特為首領朝廷聞
之授斯多特朔方節度使

八月以畢士安寇準同平章事王繼英為樞密使

初士安既拜參知政事入謝帝曰未也行且相卿因
問誰可與卿同進者對曰寇準兼資忠義善斷大事

臣所不如帝曰聞其好剛使氣對曰準忘身徇國秉
道嫉邪故不為流俗所喜今天下之民雖蒙休德涵
養安佚而北戎跳梁為邊境患若準者正宜用也帝
曰然當藉卿宿德鎮之準既相守正疾惡小人日思
所以傾之士安每為申辨帝始不疑

閏九月契丹主大舉入侵

契丹主隆緒同其母蕭氏大舉入侵遣其統軍順國
王蕭達蘭攻威虜順安軍北平砦

本漢縣宋為砦後
改軍故域在今保

定府
完縣

保州皆敗乃與契丹主合衆攻定州王超拒于

唐河

即古嘔夷水源出山西流逕唐縣謂之唐水入于定州謂之滏水下流與滹沙諸水合

又

分兵圍岢嵐軍高繼勳

字紹先瓊長子

力戰禦之又攻瀛州

李延渥

并州晉陽人

擊敗之契丹遂駐兵陽城淀

在慶都縣東南

水經注陽城故城近在西北故名焉

號二十萬每縱游騎剽掠小不利

輒引去倘佯無鬪志寇準聞之曰是狙我也請練師命將簡驍銳據要害以備之

冬十月契丹來議和遣閣門祗候曹利用

字用之趙州寧晉人

報

之

故將王繼忠為契丹言和好之利契丹以為然遣李
興以繼忠書及密表詣莫州部署石普議和普以聞
于朝朝臣莫敢如何畢士安請羈縻之漸許其平帝
曰敵悍如此恐不可保士安曰臣嘗得契丹降人言
其雖深入屢挫不得志陰欲引兵又耻無名且彼寧
不畏入乘虛覆其巢穴此請殆不妄于是詔諭繼忠
許其通和繼忠復附奏乞先遣使帝乃遣曹利用詣

契丹軍帝語之曰契丹南來不求地則邀賂爾關南
地歸中國已久不可許漢以玉帛賜單于有故事利
用憤契丹色不平對曰波若妄有所求臣不敢生還
帝壯其言

置龍圖閣

奉太宗御製文集及典籍圖畫寶瑞之物與宗正所
進屬籍并置待制學士官自是每帝皆置一閣

十一月契丹進侵澶州帝自將禦之

契丹陷德清軍

石晉置故城在今大名府清豐縣

逼冀州遂抵澶州

邊書告急一夕五至寇準不發飲笑自如帝聞之大駭以問準對曰陛下欲了此不過五日耳因請帝幸澶州同列懼欲退準止之令候駕起帝難之欲還內準曰陛下入則臣不得見大事去矣請毋還畢士安力勸帝如準所請帝乃議親征召羣臣問方畧時以敵入深入中外震駭王欽若臨江人也請幸金陵陳堯叟

字唐夫

閬州人也請幸成都帝以問準準心知二

入謀乃陽若不知者曰誰為陛下畫此策罪可斬也
陛下神武將臣協和若大駕親征敵當自退不然出
奇以抗其謀堅守以老其師勞佚之勢我得勝算矣
奈何棄廟社欲幸楚蜀所在人心崩潰敵乘勝深入
天下可復保邪帝意乃決

時欲擇大臣鎮大名準薦欽若遂詔判天雄軍蓋準

以欽若多智恐妄有所疑沮故出之欽若至天雄契丹臨境欽若閉門束手無策但修齋誦經而已

李繼隆軍射殺契丹將蕭達蘭

契丹圍澶州李繼隆整軍禦之會有自敵中回者言

王旦得寇準教
語不通祖國有
君矣之說耳然
君父在外大敵
在前即以山岳
致啓其心實不
可問即有此心
以為為國大計
毋寧後實有其
事而行之亦自
不待致問也

達蘭謀以遲明襲寨繼隆伏兵分據要害頃之控弦

暴至達蘭躬出陣前督戰繼隆將張環

字唐公洎之孫

守牀

子弩弩撼機發射殺之達蘭有機勇所領皆銳兵既

死敵大挫

時魏能守安肅軍楊延朗守廣信軍二軍最切敵境而攻圍有戰不能下及敵

退出境延朗追躡轉戰未嘗敗衄時入目二軍曰銅

梁門鐵遂城梁門安肅軍治遂城廣信軍治也魏

龍野入梁門即戰國趙汾門宋置砦
今保定府安肅縣是也遂城注見前

以王旦為東京留守

初帝親征以雍王元份

太宗第五子

留守旦等皆扈從至

是元份以暴疾聞命且馳還代之且曰願宣寇準臣
有所陳準至且奏曰十日不捷何以處之帝默然良
久曰立太子且至東京直入禁中下令甚嚴人無知
者

十二月庚辰朔日食

帝渡河次澶州契丹請盟而退帝還京

帝在道又有以金陵之謀告者帝意稍惑召準問之
準曰陛下惟可進尺不可退寸河北諸軍日夜望鑒

輿至士氣百倍若回輦數步則萬衆瓦解敵乘其後
金陵亦不可得至也準出遇殿前都指揮使高瓊曰
太尉受國厚恩今日有以報乎瓊曰願效死準復入
瓊立庭下準曰陛下不以臣言為然盍試問瓊瓊即
奏曰寇準言是準又曰機不可失宜趣駕帝乃晨發
適苦寒左右進貂裘帝卻之曰將士皆寒朕安用此
帝至澶州南城

即德勝寨之
南城注見前

望見契丹軍勢甚盛衆

請駐蹕寇準固請曰陛下不過河則人心益危敵氣

真宗澶淵之役
在道即為金陵
之謀所惑及河
則見敵兵之盛
而止其心已懷
猶豫更勉強進
軍以軍事付準
繼復力主議和
雖百萬亦所弗
惜其懦懦之狀
不啻深入虎穴
飲若鴆劑意旨
故派汪之孫得
以中之其託言
駐城下之盟格
除為可居之名

未曷非所以取威決勝也且王超領勁兵屯中山以

扼其吭李繼隆石保吉

字祐之分信子

分大陣以扼其左右

肘四方征鎮赴援者日至何疑而不進高瓊亦固以

請即麾衛士進輦帝遂渡河御北城門樓遠近望見

御蓋踴躍呼萬歲聲聞數十里契丹相視益怖駭帝

悉以軍事付準準承制專決號令明肅士卒畏悅已

而契丹數千騎來薄城下詔士卒迎擊斬獲大半乃

引去帝還行宮留準居北城上徐使人視準何為準

方與知制誥楊億飲博歌謔歡呼帝喜曰準如是吾
復何憂契丹遣其臣韓杞持書與曹利用俱來請盟
利用言契丹欲得關南地帝曰所言歸地事極無名
若必邀求朕當決戰若欲金帛朝廷之體固亦無傷
準不欲賂以貨財且欲邀其稱臣及獻幽燕之地因
畫策以進曰如此則可保百年無事不然數十年後
戎且生心矣帝曰數十年後當有捍禦之者吾不忍
生靈重困姑聽其和可也準尚未許會有譖準幸兵

漢川告急都邑震驚屬懷者束手倉皇軒輊者謀遠望安危之機懸於呼吸寇準處以鎮靜而羣心盡力贊親征而敵氣懾不勞亡矢遠殲而歸旋於俄頃之間可謂功在社稷矣論者或惜其不決戰於士卒憤呼之際以定厥功而社稷是乃建儲傳

以自取重者準不得已乃許其成復遣曹利用如契

丹軍議歲幣帝曰必不得已雖百萬亦可準聞之召

利用至慢謂曰雖有敕旨汝所許過三十萬吾斬汝

首矣利用至契丹軍蕭太后謂利用曰晉界我關南

周世宗取之今宜見還也利用曰晉周事我朝不知

若歲求金帛以佐軍尚不知帝意可否割地之請我

不敢以聞契丹政事舍人高正始遽前曰我引衆以

來圖復故地若止得金帛而歸吾愧吾國人矣利用

口快談而未達
於時勢不知欲
扣之意早定於
桑宗澤亦不宜
違君命而邀已
功且契丹傾國
而果志不在小
雖獲勝戰歿少
挫其鋒而精銳
薄城亦未易輕
敵若必退其獻
地稱臣救極生
變成敗尚未可
知則適可而止
亦不得謂之坐
失事會也

曰子盍為契丹熟計使契丹用子言恐連兵結繫非
國利也契丹猶覬闕南遣其監門衛大將軍姚東之
持書復議帝不許而去利用竟以銀十萬兩絹二十
萬匹成約而還戒諸將勿出兵邀其歸路契丹遣其
閤門使丁振持誓書來以兄禮事帝引兵北歸帝遂
還京

己巳
二年春正月大赦

以契丹講和大赦天下放河北諸州彊壯歸農罷諸

路行營省河北戍兵十之五緣邊三之二詔緣邊毋
出境掠奪得契丹牛馬悉縱還之通互市葺城池招
流亡廣儲蓄由是河北民得安業皆畢士安之謀也

士安請按邊要選守將以馬知節知定州楊延昭知
保州又以李允則知雄州孫全照知鎮州他所擇任
悉當其才 馬知節字子元全義子楊延昭即延朗
改名李允則字垂範謙溥子孫全照字繼明行友子

置國信司

以契丹修好則有慶弔之使乃置國信司專主之領
以宦者時遣太子中允孫瑾

字隣成基
州汝陽人

賀蕭太后生

辰致書自稱南朝以契丹為北朝直史館王曾

字孝先青

州益都人

上言春秋書外夷爵不過子今從其國號足矣

何用對稱兩朝帝以為然弗果易僅隨事損益豐約中度後奉使者悉循其制時稱得體

夏四月王欽若罷以馮拯參知政事

欽若與寇準不協累表願解政事特置資政殿學士授之

秋七月增置制舉六科

賢良方正等三科久不行至是增置為六科曰賢良

方正能直言極諫

為一科

博通墳典達于教化

為二科

識兼茂明于體用

為一科

詳明吏理可使從政

為一科

洞韜畧運籌決勝

為一科

軍謀宏遠材任邊寄

為一科

六科詔中書門下試察其才具名奏聞臨軒親策之

歸幣于契丹

自是歲以為常

八月有星孛于紫微

注見前

以向敏中知延州

先是趙德明以父有遺命遣使乞歸順詔以敏中為
緣邊安撫使受其降時帝幸澶淵賜敏中密詔盡付
西鄙許便宜從事敏中得詔藏之視政如常日邊蕃
以安至是以德明誓約未定徙敏中為都部署兼知
延州委以經畧

冬十月吏部侍郎同平章事畢士安卒

謚文簡

士安既卒帝謂輔臣曰士安飭躬畏謹有古人之風

遽此淪沒深為悼惜及王旦為相面奏士安官至輔
相而四方無田園居第沒未終喪家用已訕真不負
陛下之所知矣帝感歎賜其家白金五千兩

十一月契丹遣使來聘

自是往來不絕

丙午三年春二月罷寇準知陝州

準在太宗時除
拜不平為馮拯
所劾爭執幾死
因而罷相至此

準為相用人不以次同列頗不悅他日除官同列目
吏持例簿以進準曰宰相所以進賢退不肖若用例

復矜功自矜除
官不拘例薄仍
未改其故習試
已卒相賀其改
務果於人才真
知灼見亦止當
爲之朝廷以備
甄選豈可不指
資格佳情高下
謂然然以進賢
退不肖自負乎
此即登用悉皆
公當尚不免跡
迹擅權若楊近
徇私害政尤
不可問王且言

一吏職耳自澶淵還頗矜其功帝待準甚厚王欽若
深嫉之一旦會朝準先退帝目送之欽若因進曰陛
下敬準為其有社稷功邪帝曰然欽若曰澶淵之役
陛下不以為恥而謂準有社稷功何也帝愕然曰何
故欽若曰城下之盟春秋恥之澶淵之舉以萬乘之
貴而為城下之盟何恥如之帝愀然不悅欽若曰陛
下聞博乎博者輸錢欲盡乃罄所有出之謂之孤注
陛下寇準之孤注也斯亦危矣帝由是顧準寢衰竟

謂準好人懷惠
又欲人畏嚴
誠切中其病惜乎
準有幹濟之才
而昧公忠之美
也

罷為刑部尚書出知陝州

初張詠在成都聞準入相謂連屬曰寇公奇材惜學

術不足爾及準知陝詠適自成都還準送之郊問曰何以教準詠徐曰霍光傳不可不讀也準莫諭其意歸取其傳讀之至不學無術笑曰此張公謂我也未幾移準知天雄軍契丹使過大名謂準曰相公望重何故不在中書準曰主上以朝廷無事北門頻闕非準不可耳

以王旦同平章事趙安仁

字樂道河南洛陽人

參知政事

帝謂旦曰寇準多許人官為已任卿當深戒之

置諸州常平倉

詔京東西河北東陝西江南淮南兩浙皆立常平倉

計戶多寡量留上供錢歲夏秋視市價賤貴量減增
糶糶三年以上不糶即回充糧廩易以新粟其後荆
湖川峽廣南悉置焉

冬十月趙德明請降詔以為定難節度使

向敏中言德明屢表歸款復奉誓表請藏盟府帝嘉
之乃遣使授德明檢校太師兼侍中充定難軍節度
使封西平王賜賚甚厚因責其子弟入質德明謂非
先世故事不遣惟獻駝馬謝恩而已未幾契丹亦冊

德明為夏國王

德明終其身三十年不敢窺遼

葬明德皇后

先是后崩權殯沙臺至是始附葬永熙陵

丁未四年春正月帝如西京謁諸陵作太祖神御殿三月

還宮

又置國子監于西京

契丹城遼西為中京

今喀喇沁右翼南有故大寧城廢址遼中京大定府也方輿紀要遼

中京金曰北京元為大寧路明洪武初置大寧衛封寧王權于此永樂初寧藩徙封南昌衛遂廢

遼西幅員千里多大山深谷險阻足以自固唐初置

饒樂都督府

以饒樂永名饒樂永方輿紀要以為在大寧城東北東北流入于潢河潢河在今

克西克騰界蒙古名西喇木倫東北流會諸水逕至巴林及科爾沁等境入于遼即遼河之西一源也

是契丹主建都于此做臨潢

遼上京也改城在今巴林東北以臨潢水名

置宮掖樓閣府庫城市實以漢戶號中京

夏四月皇后郭氏崩

謚莊穆

五月丙申朔日食

六月葬莊穆皇后

葬永熙陵西北仁宗時改謚章穆

秋八月權三司使丁謂上景德會計錄

自乾德中諸州支度經費外凡金帛悉送闕下于是
利歸公上而條禁文簿漸為精密吏不得售其奸太
宗尤留意財用淳化初詔三司每歲具見管金銀錢
帛軍儲等簿以聞至是謂權三司使著會計錄以獻
因條大禮經費以備參較優詔獎之

謂機敏有智謀
檢校過入在三

司案牘繁委吏久難解者
謂一言判之衆皆釋然

冬十二月初詔禮部糊名考校舉人

考試糊
名始此

戊申 大中祥符元年春正月有天書見于承天門大報改元

帝自一聞王欽若言深以澶州之盟為辱常怏怏不
樂欽若度帝厭兵因謬進曰陛下以兵取幽薊乃可
滌此恥帝曰河朔生靈始免兵革朕安忍為此可思
其次欽若曰惟封禪可以鎮服四海誇示外國然自
古封禪當得天瑞希世絕倫之事乃可爾既而又曰
天瑞安可必得前代盖有以人力為之者惟人主深
信而崇奉之以明示天下則與天瑞無異也陛下謂

天書之祥借於
欽若而決於社
錫文謂其不測
意旨而漫應是
殆不然如果率
臆而對何以神
道設教之言與
欽若同一口吻
而他日承天門
拜受之後何為
益以經義附和
哉蓋錫亦不過
與丁謂陳堯叟
輩同為福附欽
若特欲借老儒
欲借老儒虛名

河圖洛書果有邪聖人以神道設教耳帝沉思久之

曰王旦得無不可乎欽若曰臣喻以聖意宜無不可

欽若乃乘間為旦言旦龜勉從之帝尚猶豫會幸秘

閣驟問直學士杜鎬曰古所謂河出圖洛出書果何

事邪鎬老儒不測上旨漫應之曰此聖人以神道設

教爾帝意遂決

乃召旦飲歡甚賜以樽酒曰歸與妻
孥共之既歸發封則皆美珠也旦悟

帝旨自是不

敢有異議

正月乙丑帝謂羣臣曰去冬十一月庚

寅夜將半朕方就寢忽室中光曜見神人星冠絳衣

以證其言有據
若云非授意
合其所誰欺
然若倡為邪說
盛感真宗自
以欺世譽國若
貽議史策實
千古罪人然
固奸邪無忌
所之尤不足深
以獨性王旦素
剛正自負真
心定謀之初方
旦或以為不
何以欲若策
一言畧無異

告曰來月宜于正殿建黃籙道場一月當降天書大

中祥符三篇朕竦然起對已復無見自十二月朔即

齋戒于朝元殿建道場以佇神貺適皇城司奏有黃

帛曳左承天門南鵠尾上令中使視之帛長二丈許

緘物如書卷纏以青縷封處隱隱有字蓋神入所謂

天降之書也旦等皆再拜稱賀帝即步至承天門瞻

望再拜遣二內史升屋奉之下旦跪進帝再拜受之

親置輿中導至道場授陳堯叟啓封

帛上有文曰趙
受命興于宋付

且率衆稱賀
請封禮甚至
充大禮使於
謁途迎之街
所不至則其
更不止於不
諫沮而已至
後遇令輒歸
以表不諫
之失尤為
以蓋彌彰蓋其
本無定見利
之心一動遂
於歧途而無
以底止或者以
其美珠固結則

于春居其器守于
正世七百九九定
帝跪受復命堯叟讀之其書黃字

三幅詞類洪範道德經始言帝能以至孝至道紹世

次諭以清淨簡儉終述世祚延永之意讀訖帝復跪

奉韞以所藏帛盛以金匱羣臣入賀于宗政殿賜宴

帝與輔臣皆蔬食遣官告天地宗廟社稷大赦改元

羣臣加恩賜京師酺五日改左承天門為承天祥符

置天書儀衛扶持使有大禮即命宰執近臣黃之
若

之計既行陳堯叟陳彭年丁謂杜鎬益以經義附和
而天下爭言祥瑞矣獨龍圖閣待制孫奭言于帝曰

殊不知即如所
云真宗詔為尊
酒順賜旦掛歸
發封其事甚秘
誰復為之漏洩
此殆史家傳會
以文致其過不
知且之得失自
在又不繫賜珠
之有無耳

以臣愚所聞天何言哉豈有書也帝
然然 陳彭年字永年撫州南城人

三月詔議封禪夏四月以王旦兼封禪大禮使

宰相王旦等率文武百官諸軍將校官吏蕃夷僧道

耆壽二萬四千三百餘人凡五上表請帝封禪帝意

未決召丁謂問以經費謂對曰大計有餘議乃定命翰

林太常詳定儀注以王旦為大禮使王欽若等為經

度制置使丁謂等計度糧草

既而契丹遣使請歲幣外別假錢幣旦曰東封

近彼以此探朝廷意耳帝曰何以答之旦曰正當以
微物輕之乃于歲給三十萬內各借三萬仍諭次年

額內除之契丹得之大慙及明年復下有司以契丹所借金幣事屬徽末仍依常數與之

六月得天書于泰山羣臣上帝尊號

王欽若至乾封

唐縣宋改奉符今曰泰安為泰安府治

上言泰山醴泉

出錫山

泰山下之小山

蒼龍見未幾木工董祚于醴泉亭北

見黃帛曳林木上有字不能識言于皇城使王居正

居正見其上有御名馳告欽若欽若奉至社首跪授

中使馳捧詣闕帝御崇政殿趣召羣臣曰朕五月丙

子夜復夢向者神人言來月上旬當賜天書于泰山

即密諭欽若等凡有祥異即上聞今果與夢協上天

眷祐惟懼不稱王旦等再拜稱賀乃迎奉含芳園之

正殿帝齋戒備法駕詣殿拜受之授陳堯叟啟封文

曰汝崇孝奉育民廣福錫爾嘉瑞黎庶咸知
私守斯言善解吾意國作延永壽歷遐歲 讀訖復

奉以升殿于是羣臣表上尊號曰崇文廣武儀天尊

道寶應章感聖明仁孝皇帝

未幾欽若獻芝草八千
木趙安仁獻五色金玉

丹紫芝八千七百餘本諸州上芝草嘉禾瑞木三脊
茅等不可稱紀九月令有司勿奏大辟案以天書告

于太

廟

作玉清昭應宮

奉天書也知制誥王曾都虞候張旻

字元弼開封人後改名耆皆

上疏諫不聽

帝先召丁謂問之謂曰陛下富有天下建一宮所以祈皇嗣也羣臣且陛下願

以此諭之王旦密疏諫帝以謂所對告且不敢復言

冬十月帝封泰山禪社首大赦

帝發京師以玉輅載天書先道凡十七日至泰山

王欽

若等獻芝草三萬八千餘本

齋戒三日登山道經險峻降輦步行

鹵簿儀衛列于山下享昊天上帝于園臺陳天書于

左以太祖太宗配命羣臣享五方帝及諸神于山下

封祀壇帝飲福酒攝中書令王旦跪稱曰天賜皇帝

太乙神策周而復始永綏兆人三獻畢封金玉匱王

旦奉玉匱置于石礧

音感石篋也
封禪所用

攝太尉馮拯奉金

匱以降將作監領徒封礧帝登園臺閣視訖還御幄

宰相率從官稱賀明旦禪祭皇地祇于社首山如封

祀儀禮畢御壽昌殿受羣臣朝賀大赦天下文武並

進秩令開封府及所過州軍考送舉人賜天下酺三

日改乾封縣為奉符縣大宴穆清殿又宴泰山父老
于殿門

十一月帝過曲阜謁孔子廟加謚元聖文宣王

帝幸曲阜縣謁孔子廟行酌獻禮特展拜近臣分奠
七十二弟子遂幸孔林加謚孔子曰元聖文宣王祭

以太牢

又追謚齊太公望為昭烈武成王立廟青州
周文公旦為文憲王立廟曲阜仍追封叔梁

紇齊國公顏氏魯國夫人伯魚母并官氏鄆國夫人
尋又復追封孔子弟子顏回為克國公閔損以下九

人為郡公曾參以下六十二人為侯命
從臣為賢又封左邱明等十九人為伯

還宮

帝還羣臣爭頌功德惟進士孫藉獻書言封禪帝王
之盛事願陛下謹于盈成不可遂自滿假知制誥周
起

字萬卿
涪州都平人

亦上言天下之勢常患恬于安逸而忽

于兢畏願毋以告成為恃帝皆納之

己酉二年春三月丙辰朔日食

夏四月昇州大水陝西旱蝗

三司使丁謂上封禪祥瑞圖

謂上封禪祥瑞圖示百官于朝堂自封禪之後士大夫爭奏符瑞獻贊頌崔立獨言水發徐兗旱連江淮無為宋軍名元為州今屬廬州府烈風金陵大火是天所以戒驕矜也而中外多上雲霧草木之瑞此何足為治道言哉不省

五月代州地震

冬十二月罷制舉諸科

上封事者言兩漢賢良多因災變以詢訪闕政今國

家受瑞建封不當復設遂詔罷制舉

庚戌三年春二月交州將李公蘊弑其主黎至忠遣使入

貢詔封公蘊為交趾郡王

黎民據安南亦三傳而滅

初黎桓死中子龍鉞立未幾龍鉞弟龍廷殺龍鉞而
代之踰年入貢詔封交趾郡王賜名至忠至忠苛虐
國人不附大校李公蘊為至忠親任乃逐至忠出城
而殺之其二弟明昶爭立公蘊又殺之自稱留
後遣使奉貢帝曰黎桓不義而得之公蘊又效尤焉

交趾設逆相尋
家不能廢罪致

討已失春秋共
誅亂賊之義且
具家既知效尤
可惡乃以為墜
俗何足重又從
而封爵賜予直
是賞其篡竊為
天下共主者不
應若此視嬰丹
主之役高麗而
誅康孽不免相
形見誣矣

甚可惡也然蠻俗何足責哉其用桓故事授以官爵
賜之器幣

贖呂端第賜其家

端諸子多不同處舊第已質于人帝聞之出內庫錢
贖還之令其聚居端長子蕃言負人息錢甚多帝別
賜內庫金帛俾償之蕃弟荀與西京差遣仍令內侍
省置簿為掌獄課給其家詔樞密院察其妄費王旦
曰陛下推恩舊臣始終委曲至矣

夏五月高麗康肇弑其主誦

建五世孫

立誦兄詢而相之

契丹主謂羣臣曰康肇弑君誦而立詢因而相之大

逆也宜發兵問其罪羣臣皆曰可蕭廸里

字涅魯哀
穆烈四世

孫

曰國家連歲征討士卒罷敝況陛下在諒陰

時太
后蕭

氏年穀不登創痍未復島夷小國城壘完固勝不為

武萬一失利恐為後悔不如遣一介之使往問其故

彼若伏罪則已不然俟服除歲豐舉兵未晚不聽已

而契丹伐高麗擒康肇誅之王詢奔平州

今朝鮮國
平安道有

平 州

秋旱蝗

九月內侍江守恩有罪誅

守恩擅取民田麥穗杖殺軍士獄成抵法太常博士

俞獻卿

字諫臣
歙人

抗章論救坐貶帝嘗謂輔臣曰前代

內臣恃恩恣橫蠹政害物朕深以為戒故于班秩賜
予不使過分有罪未嘗矜貸王旦等曰前代事跡昭
然足為龜鑑陛下言及此社稷之福也

冬十二月夏州饑

西夏管內饑趙德明表求粟百萬朝議不知所出或言德明方納款而敢渝誓請降詔責之王旦曰第詔德明云已敕有司具粟百萬于京師其遣衆來取德明得詔慚曰朝廷有人遂止

四年春二月帝祭后土于汾陰大赦

先是羣臣上表請祀汾陰帝從之以王旦兼大禮使王欽若為禮儀使陳堯叟為經度使儀同封禪正月

奉天書發京師是月出潼關渡渭河遣近臣祀西嶽

遂至寶鼎縣

本漢沔陰唐改寶鼎宋曰榮河今縣屬蒲州府

奉祇宮祀后土

地祇大赦天下文武進秩建寶鼎縣為慶成軍賜天

下酺三日大宴羣臣于穆清殿而還

初將祀沔陰會歲旱龍園閣侍

制孫奭上疏陳不可者十有曰陛下纔畢東封又議西幸非先王五年卜征重謹之意又曰夫民神之生

也是以聖王先成民而後致力于神今國家水旱作沴饑饉居多乃欲勞民事神神其饗之乎又曰今之

嘉臣以先帝嘗議封禪故贊陛下以繼承先志先帝欲北平幽朔西取繼遠則未嘗獻一謀置一策而乃

卑辭厚幣求和于契丹獻國康爵姑息于保吉謂主尋臣死為空言以誣下周上為己任是陛下以祖宗

艱難之業為姦臣僥倖之資此臣所以長嘆痛惜也
時羣臣爭奏祥瑞典從上言今野雕山鹿并形奏簡
秋旱冬雷率皆稱賀將以欺上天則上天不可欺將
以愚下民則下民不可愚將以惑後世則後世不可
惑夫國將興聽于民將亡聽于神陛下
何為而不思也常嘉其忠而不能從

三月召陝州隱士魏野

字仲先
蜀人

不至

野不求聞達居陝之東郊為詩清苦帝自汾陰還次
陝州遣陝令王希召之不起命工圖其所居觀之

野所

居架草堂有
水竹之勝

帝過西京遂謁諸陵夏四月還宮

太子太師呂蒙正卒

謚文穆

六月太白晝見

八月復晝見

江淮大水

秋七月畿內蝗鎮眉昌等州

昌州唐置今重慶府榮昌縣是餘注見前

地震

八月河決通利軍

宋置後改安利復改平川今衛輝府濬縣是

冬十月以向敏中等為五嶽奉冊使

加上五嶽帝號帝御朝元殿發冊命敏中等充使尋

作會靈觀以奉祀

壬子 五年夏四月復以向敏中同平章事

時舊相出鎮不以吏事為意惟敏中盡心民事帝由是有復用之意及東封西祀皆以敏中留守厚重鎮靜人情帖然遂復拜相

五月賜杭州隱士林逋

字君復杭州錢塘人

粟帛

逋力學善詩不趨榮利家貧衣食不足晏如也結廬

杭州西湖之孤山

在裏外二湖之間一嶼聳立為湖山絕勝處

帝聞其名

賜以粟帛

秋八月丙申朔日食

九月以王欽若陳堯叟為樞密使丁謂參知政事馬知節為樞密副使

時天下乂安王欽若丁謂導帝以封祀眷遇日隆欽若自以深達道教多所建明而謂附會之與陳彭年

宦者劉承珪

楚州山陽人
後改名承規

等蒐講墜典大修宮觀以

林特

字士奇南劍州順昌人

有心計使為三司使以幹財利五

人交通蹤跡詭秘時號五鬼王旦欲諫則業已同之

欲去則上遇之厚追思李沆之先識嘆曰李文靖真
聖人也欽若狀貌短小項有附疣時目為癭相性傾
巧敢為矯誕然智數過人每朝廷有興作能委曲遷
就以中帝意知節以衆方競言祥瑞深不然之每言
于帝曰天下雖安不可忘戰去兵也

冬十月帝言聖祖降于延恩殿

初汀州人王捷言于南康遇道人姓趙氏授以丹術
及小鑲神劍蓋司命真君也是為聖祖劉承珪以聞

天書已荒誕不
經乃復因妄男
子之言指為香
渺無稽之名系

以自証其祖誕
甚矣且從而
尊其祖誕其神
蹟其位於藝祖
之上趙氏宗廟
有知其子之乎

賜捷名中正得對龍圖閣既東封加聖祖號為司命
天尊授中正左武衛將軍至是帝語輔臣曰朕夢神
人傳玉皇之命云先命汝祖趙元朗授汝天書今今
再見汝翌日復夢神人傳聖祖言吾坐西斜設六位
以候是日即于延恩殿設道場五鼓一籌先聞異香
頃之黃光滿殿聖祖至朕再拜殿下俄有六人至揖
聖祖皆就坐聖祖命朕前曰吾人皇九人中一人也
是趙之始祖再降乃軒轅皇帝後唐時復降生趙氏

之族今已百年皇帝善為撫育蒼生無怠前志即離
座乘雲而去王旦等皆再拜稱賀詔告天下肆赦加

恩

命丁謂等修崇奉儀注閏月上聖祖尊號曰聖祖
上靈高道九天司命保生天尊大帝聖母懿範曰

元天大聖后遂加太廟六室尊號羣臣上帝尊號曰
崇文廣武感天尊道應真佑德上聖欽明仁孝皇帝
尋作景靈宮奉聖祖以孔子
謚紀聖祖諱改元聖曰至聖

十一月以王旦兼玉清昭應宮使

詔建康軍鑄玉皇聖祖太祖太宗尊像以丁謂為奉
迎使奉安于玉清昭應宮帝率百官郊謁又詔刻天

書于宮以旦為刻玉使王欽若與謂副之

十二月立德妃劉氏為皇后

后父通為虎捷都指揮使從征太原道卒后在襁褓而孤鞠于外氏善播鼓蜀人龔美者以鍛銀為業攜之至京師年十五入襄邸帝即位以為美人

欲封貴妃李沆

不可事其前

未幾為修儀進位德妃專寵後宮郭后崩帝

欲立之翰林學士廸

字復古幽州人

言妃起于微寒不可

以母天下參知政事趙安仁亦言不如沈才人出于

相門帝不從

他日與王欽若從容論方今大臣誰為長者欽若欽排安仁乃譽之曰無若趙

安仁安仁昔為沈倫所知常欲報之帝然然未幾安仁罷

帝欲得楊億草制使丁

謂諭旨億難之謂曰勉為此不憂不富貴億曰如此

富貴亦非所願也乃命他學士焉后既立以無宗族

更以美為兄改其姓為劉聞李迪之諫大恨之

后性敏警

晚書史聞朝廷事能記其本末帝退朝問天下封奏多至中夜後皆預聞宮闈事有輒援引故實以對帝

深重之由是

漸于外政

癸丑

六年春正月禁內臣出使干預公事

凡有干預州縣公事所在官吏不以聞並罪之

秋七月除農器稅

知濱州

後周置今屬山東武定府

呂夷簡

字坦夫蒙正兄子

請免稅河北

農器帝曰務穡勸農古之道也豈獨河北哉詔諸路並除之

冬十二月戊午朔日食

獻天書于朝元殿

先是帝享玉皇于朝元殿

判亳州丁謂獻芝草三萬七千本

遂詔扶

明皇崇祀老聃
湖源仙宮荒經
難覆之失固不
待言至趙之於
李尤風馬牛不
相及無端而追
尊帝號其義何
居且復升改單
州賜誦辭散不
自覺其致弊之

侍使趙安仁等奉獻天書告玉清昭應宮及太廟

甲寅七年春正月帝如亳州謁老子于太清宮

先是詔親謁太清宮加號太上老君混元上德皇帝

孫奭上言陛下事事慕效唐明皇豈以明皇為令德

之主邪帝曰東封祀汾謁陵寢享老子非始于明皇

且開元禮今世所循用不可以天寶之亂而非之作

解疑論以示羣臣及是奉天書發京師遂朝謁太清

宮
丁謂獻白鹿一芝
草九萬五千本
曲赦亳州及車駕所經流以下

可笑真宗之惑
亦甚矣

罪升亳州為集慶軍賜酺三日

以應天府為南京二月還宮

國初因五代之舊以太梁為東京開封府洛陽為西
京河南府後以太祖舊藩歸德軍在宋州改宋州為
應天府至是建為南京作鴻慶宮以奉太祖太宗聖
像

夏四月沙州入貢

先是曹宗壽殺其從父節度使延祿而代之至是死

其子賢順遣人入貢詔授歸義節度使

沙州自宗壽以來通使契

丹

六月王欽若陳堯叟馬知節免

知節素惡欽若之為人議論未嘗少屈欽若每奏事

必懷數奏但出一二匿其餘退則以己意稱上旨行

之知節嘗于帝前顧欽若曰懷中奏何不盡出之欽

若不悅會瀘州

梁置今
隸四川

都巡檢王懷信等上平蠻功

欽若久不決既而擅超擢之知節因面詆其短爭于

羣臣各執私意
上殿然事無禮
實甚直斥其罪
而明示之罰使
天下曉然知執
法之不撓斯為
政體即傳播外
國亦當益效罰

帝前帝召王旦質之旦至欽若猶譁不已知節流涕
曰願與欽若同下御史府旦叱欽若使退帝大怒命
付獄旦從容曰欽若等當黜未知坐以何罪帝曰忿
爭無禮旦曰陛下奄有天下使大臣坐忿爭無禮之
罪或聞外國無以威遠願至中書召欽若等宣示陛
下含容之意且戒約之俟少間罷未晚也帝曰非卿
言朕固難忍月餘始罷欽若知節併及堯叟

司空張齊賢卒

諡文
定

廷之等而潔純
綱之肅吏無庸
諱飾也王旦曲
為之解豈于飲
若有所顧忌而
調停祖復之耶

以寇準為樞密使

王旦薦之也

契丹伐高麗大敗而還

初契丹以鴨綠江

注見前

地予高麗高麗築六城

日興城通

龍龜郭六州

及王詢敗請降于契丹契丹責令親朝詢以

疾辭契丹怒連歲遣耶律資忠

字沃衍系出仲父房

往取地不

從乃遣蕭迪里討之高麗與女真設奇邀擊契丹大

敗而還

已而契丹耶律世良等大敗高麗于郭州新首數萬獲其輜重而還耶律世良小字幹六

院部
人

冬十月高麗來貢

自高麗王誦立遣使入朝為契丹所阻不通中國者
累年至是詢復遣其工部侍郎尹證古入貢詔登州
置館于海次以待之

十一月玉清昭應宮成

初議營宮料功須十五年修宮使丁謂今以夜繼晝
每繪一壁給二燭故七年而成凡二千六百一十楹

製度宏麗屋宇少不中程式雖金碧已具劉承珪必
令毀而更造有司莫敢較其費未幾帝親謁宮奉刻
玉天書安于寶符閣以御容立侍于側

十二月癸丑朔司天監奏日食不應

羣臣表賀

戶部獻天下民數

戶九百五萬五千七百二十九口二千一百九十七
萬六千九百六十五

乙卯八年春二月淮浙饑

加楚王元佐天策上將軍賜劍履上殿詔書不名

夏四月寇準罷

準以三司使林特附會邪險惡之每事阻抑帝方寵
特聞之不悅謂王旦曰準剛忿如昔旦曰準好人懷
惠又欲人畏威皆大臣所當避而準乃以為己任此
其所短也非至仁之主孰能容之準竟以是罷

初準
教短

旦于常而旦專稱準帝謂旦曰卿雖稱其美彼專譏
卿惡旦曰理固當然臣在相位久政事缺失必多準

對陛下無隱益見其忠直此臣所以重準也帝由是益賢旦中書有事送樞密院達詔格準以上聞旦被責拜謝堂吏皆生罰不踰月樞密院有事送中書亦達詔格堂吏欣然呈且令送還樞密院而已準大慙謝反罷準托人語旦求為使相旦驚曰將相之任豈可求耶吾不受私請也準甚憾之已而除準武勝軍節度使同平章事判河南府準入見謝曰非陛下知臣未能至此帝具道旦所以薦者準愧嘆以為不可及

朝元殿災

榮王元儼

太宗第八子

宮火延及殿閣內庫有司劾遣火

事當死者衆王旦曰陛下始以罪已詔天下今乃過為殺戮且火雖有迹安知非天譴帝欣然納之減

死幾百人

六月己酉朔日食

秋九月吐蕃嘉勒斯賚請伐夏州不許

嘉勒斯賚吐蕃嘉勒布之苗裔居宗噶爾城

在今西寧府西

寧縣東宋于此
置龍支縣後廢

以宗噶爾僧李立遵為倫布倫布者

國相也立遵貪而喜殺國人不附會與涇原鈐轄曹

瑋戰于三都谷

在今鞏昌府
伏羌縣西

而敗復襲西涼府亦敗

衆甚怨之嘉勒斯賚遂與立遵不協徙居邈川

城名
宋于

此置樂州今為西
寧府碾伯縣治

而立遵自居宗噶爾屢表請嘉勒

布之號朝議以嘉勒布乃戎王也立遵居嘉勒斯賚
下不宜妄授止命為保順軍節度使嘉勒斯賚與西
夏接壤每以兵抗趙德明希朝廷賜予因是聚眾數
十萬請討平夏以自效帝以戎人多詐或生他變命
周文質監涇原軍曹瑋知秦州以備之

樞密直學士知陳州張詠卒

謚忠定

詠侗儻有大志尚氣節嘗曰事君者廉不言貧勤不

言苦忠不言已效公不言已能斯可以事君矣故所
至以政績聞方疾上疏言不當造宮觀竭天下之財
傷生民之命此皆賊臣丁謂誑惑陛下乞斬謂首置
國門以謝天下然後斬詠頭置丁氏之門以謝謂章
三上出知陳州卒贈左僕射

賜信州道士張正隨號真靜先生

初漢張魯子自漢中徙居信州龍虎山

在今江西廣信府貴溪縣

西南相傳漢張道陵修鍊于此

世以鬼道教衆正隨其後也至是召

赴闕賜號王欽若為奏立授錄院及上清觀

今日太
上清宮

在龍虎
山上

蠲其田租自是凡嗣世者皆賜號

丙辰九年春正月以張旻為樞密副使

先是旻為馬軍副都指揮使被旨選兵下令太峻兵
懼謀欲為變上召二府議之王旦曰若罪旻則自今
帥臣何以御衆捕謀者則震驚都邑今但擢旻使解
兵柄反側者當自安矣帝從其言兵果無他帝語左
右曰王旦善處大事真宰相也

夏六月畿內蝗

帝遣人出郊得死蝗以獻因以示大臣明日執政遂袖死蝗進曰蝗盡死矣請示于朝率百官賀王旦曰蝗出為災災弭幸也又何賀固稱不可後數日二府方奏事飛蝗忽蔽天帝顧旦曰使百官方賀而蝗如此豈不為天下笑邪

秋八月知秦州曹瑋敗吐蕃于伏羌砦

本唐復羌縣宋為砦元復置縣

今屬鞏

昌府

瑋在秦州屢請益兵帝不悅問李迪邊將誰可代瑋者迪曰瑋知嘉勒斯賚窺閫中故請益兵為備非怯也乃詔發閫內羨兵赴瑋未幾嘉勒斯賚與宗噶爾族入寇使諜者聲言以某日下秦州會食以激怒瑋瑋勒兵不動坐俟其至大破之夷其族帳斬首千餘級自是嘉勒斯賚勢蹙退保磧中不出

九月丁謂陳堯叟免以陳彭年王曾張知白

字用晦滄州清池人

參知政事任中正

字慶之曹州濟陰人

為樞密副使

彭年初入翰林為學士嘗謁王旦旦辭不見

彭年惟奸諂時

號九尾狐

翌日向敏中以彭年所上文字示旦旦瞋目不

覽曰是不過興建符瑞圖進取耳已而彭年附王欽

若丁謂朝廷典禮無不參預詳練儀制前世未有者

必推引依據以成就之帝甚寵遇及升內閣而李宗

諤

字昌武
昉之子

卒楊億罷彭年獨任事務叢委形神皆耗

舉止失措至家人有不記其名者

明年二月卒

以旱蝗罷諸營建

考宋史李迪傳迪請發內藏庫與諫
土木乃一時事續綱目分係祥符九

年天傷元年興傳不合
今依宋元通鑑併之

帝以頻歲旱蝗沴饑三司調用不給召李迪問所以
濟之之策迪對曰祖宗置內藏庫欲攻取西北且備
凶年今邊幸無費償以佐國用則庶幾天下財利寬

而民不加賦矣帝曰朕欲用李士衡代馮元方

字景山漢

州甄城人為三司使俟其至當出金帛借之迪曰天子以

財無內外何必曰借迪又言陛下有祀汾亳以來土
木之役不可勝紀今旱蝗之警乃天所以仁愛陛下

也願罷諸不急之費帝嘉納之大發內庫金繒賜三
司詔禁樂罷秋宴督諸路捕蝗遂罷諸營造禁天下
貢瑞物詔民能振貧者官之未幾得雨青州飛蝗多
赴海死

丁巳天禧元年春三月以王曾兼會靈觀使曾辭不受

王欽若方挾符瑞以固寵位陰排異己者會有詔以
曾為會靈觀使曾以推欽若帝不悅謂曾曰大臣宜
傳會國事何遽自異邪曾頓首曰君從諫謂明臣盡

忠謂義陛下不知臣篤病使待罪宰府臣知義而已
不知異也

夏五月以王旦為太尉侍中參決軍國重事旦固辭許
之

旦素羸多疾連年求解機務不許乃拜太尉侍中五
日一起起居入中書過軍國重事不限時日入預參
決旦愈畏避上疏固辭新命又託同列奏白帝重遣
其意止加封邑

秋七月王旦罷

且疾甚引對滋福殿帝曰朕方以大事託卿而卿疾如此因命皇子出拜旦皇恐走避皇子隨而拜之旦

言皇子盛德必任陛下事因薦可為大臣者十餘人

其後不至宰相惟凌策

字子奇宣州人

李及

字幼幾鄭州人

旦復力

求避位帝憫其形瘁許之復問曰卿萬一有不諱朕以天下付之誰乎旦謝曰知臣莫若君惟明主擇之固問之旦舉笏曰以臣之愚莫如寇準帝曰準性剛

福更思其次且曰他人臣所不知也

八月以王欽若同平章事

帝久欲相欽若王旦曰欽若遭逢陛下恩禮已隆且乞留之樞密兩府亦均臣見祖宗朝未嘗有南人當國者雖古稱立賢無方然須賢士乃可臣為宰相不敢阻抑人此亦公議也乃止及旦罷欽若遂相欽若語人曰為王子明遲我十年為宰相

九月王曾罷

曾既不受會靈觀使上意不懌王欽若數譖之會曾
市賀皇后家舊第其家未徙而曾令入舁土置其門
賀氏訴于朝遂罷曾政事王旦在告聞之曰王君介
然他日德望勲業甚大顧予不得見爾或問其故曰
王君昨讓觀使雖拂上旨而詞直氣和了無所懼且
始被進用已能若是我自任政事二十年每進對稍
忤即蹶躅不能自容以是知其偉度矣

太尉王清昭應宮使王旦卒

謚文正

旦疾篤帝臨問親調藥并著薺粥賜之遣內侍問者
日至三四及卒痛悼不已旦遺令削髮披緇以飲蓋
悔其不諫天書之失也諸子欲奉遺令楊億以為不

可乃止

旦為首相會天下無事慎守祖宗法度無所
變改帝久益信言無不從凡大臣有所奏請

必問曰王旦以為何如旦與人寡言笑及奏事羣臣
異同旦徐一言以定居家賓客滿堂祭可與言及素
知名者數日後召與語詢訪四方利病或使疏其言
而獻之以觀其所長宴籍其名薦之人未嘗知諫議
大夫張師德兩詣旦門不得見意為人所毀以告向
敏中敏中從容為旦言之旦曰旦處安得有毀人者
及議知制誥旦曰可惜張師德敏中問之旦曰師德
名家子有士行不意兩及吾門狀元及第榮進素定

當靜以待之復奔競使無階而入者當如何是也薛奎發運江淮辭旦旦無他語但云東南民力竭矣奎退嘆曰真宰相之言也內臣劉永珪以忠謹得幸既病求節度使帝謂旦曰永珪待此以望旦執不可曰他日求為樞密使此其階也遂止自是內臣不過留後旦任事久有謗之者輒引咎不辨至人有過失雖人主盛怒可辨者辨之必得而後已張師德字尚賢襄邑人薛奎字宿藝絳州人

戊午二年夏五月京師民訛言妖至

先是西京訛言有物如席帽夜飛入人家又變為犬狼狀能傷人民恐每夕重閉深處操兵自衛至是京師民訛言帽妖至達旦叫譟詔立賞格募告為妖者

知應天府王曾今夜開里門有倡言者即捕之妖亦
不興

契丹以張儉

亮平人

為政事令

儉端慤不事外飾為雲州幕官契丹主獵雲中故事
長吏當有所獻節度使進曰臣境無他產惟幕僚張
儉一代之寶願以為獻因召見容止樸野訪及世務
占奏三十餘事由是顧遇特異

六月慧星出北斗

秋八月立子受益

帝第六子
即仁宗

為皇太子更名禎赦

受益司寢李氏

杭州人

所生皇后養以為子與楊淑妃

益州人

同撫育之至是立為太子帝作元良歲賜之

冬十月張知白罷

知白與王欽若論議多相失因稱疾辭位遂罷知天

雄軍

己未三年春二月戊午朔日食

得天書于乾佑山

乾佑縣之山也乾佑五代漢縣故城在今商州鎮南縣

夏六月

準于欽若判若
水火何獨于乾
佑天書之事故
其所為然一以
圖己之進用一
以喜朱能素相
比附雖墜其術
而不顧可見門
戶之為害甚於
陷所一溺其中
即欲自拔亦不
可得矣

王欽若有罪免以冠準同平章事

永興軍巡檢朱能挾內侍都知周懷政

并州人

詐為天

書降于乾佑山時冠準方判永興素喜能附己遂上

其書詔迎入禁中中外皆識其詐帝獨信之諭德魯

宗道

字貫之毫州人

言姦臣妄誕以惑聖聽知河陽孫奭

言乞斬朱能以謝天下皆不聽準由是得召用矣時

欽若思禮哀商州捕得道士譙文易蓄禁書能以術

使六丁六甲神欽若坐與之出入遂免以準代相

準之

始召也門生有勸準者曰公若至河陽稱疾堅求外
補此為上策倘入見即發乾佑天書之詐斯為次也
最下則再入中書大
畏平生矣準不懌

以丁謂參知政事

謂因準稱譽得致通顯雖同列而事之甚謹嘗會食
中書羹汚準鬚謂徐起拂之準笑曰參政國之大臣
乃為長官拂鬚邪謂大慙恨遂成讐隙

河決滑州

泛澶漢鄆濟徐境

秋七月羣臣上帝尊號大赦

以天書再見也

八月大會道釋于天安殿

凡萬三千八百六人

京東河北水

彰德留後馬知節卒

諡正惠

知節慷慨以方畧自任所與善必一時豪傑性剛直
敢言不肯少有卑屈天下稱其直嘗與王欽若爭論

上前退見王旦辭色猶怒甚曰知節幾欲以笏擊死
之但恐驚動君相爾至是卒

冬十一月帝謁景靈宮享太廟祀天地于園丘大赦

自是每歲三行禮宮廟園丘必同舉永為定制向敏
中冠準並加僕射麻下帝以即位未嘗除左僕射意
敏中應喜甚賀客必多使人密覘之云敏中方謝客
門闌悄然矚其庖中亦寂無一人帝大笑曰向敏中

大耐官職

欽定四庫全書

御批歷代通鑑輯覽

卷八



御批歷代通鑑輯覽卷七十三



總校官候補中允臣王燕緒

校對官中書臣江連

膳錄監生臣申慤